

→ WILAYAH

[FOTO SHAHRINNAHAR LATIB/BH]



Ismail dan Sh Mohamed Puzi bergambar bersama guru yang menyertai kaedah model bar di Pejabat Pendidikan Daerah Pekan.

50 guru Matematik didedahkan model bar

● Kaedah bantu pelajar luar bandar kuasai mata pelajaran

Oleh Shahrinnahar Latib
bhnews@bh.com.my

■ Pekan

Seramai 50 guru matematik di daerah ini didedahkan dengan kaedah model bar bagi membantu pelajar luar bandar menguasai subjek berkenaan.

Mereka menyertai program anjuran di Empower Wilayah Ekonomi Pantai Timur (ECER) Mahkota Pekan di Pejabat Pendidikan Daerah (PPD) Pekan, di sini.

Program kerjasama antara Majlis Pembangunan Wilayah Ekonomi

Pantai Timur (ECERDC) dan UMP Advance Education (UAE) itu bertujuan mendedahkan guru kaedah pengajaran terbaru bagi menyelaskan masalah matematik.

Pendekatan visual

Pengurus Bahagian Pembangunan Modal Insan ECERDC, Ismail Surip, berkata program itu adalah satu pendekatan visual yang digunakan untuk menjawab soalan penyelesaian khususnya dalam Matematik.

"Kita harapkan penggunaan kaedah ini dapat membantu pelajar luar bandar menguasai Matematik dan dapat melatih mereka untuk

berfikiran lebih sistematis," katanya ketika berucap pada majlis perasmian program berkenaan, di sini, semalam.

Perasmian program itu disempurnakan oleh Ahli Dewan Undangan Negeri (ADUN) Peramu Jaya, Datuk Seri Sh Mohamed Puzi Sh Ali. Yang turut hadir, Ketua Pegawai Kewangan dan Operasi UAE, Asri Zainudin.

Sementara itu, Sh Mohamed Puzi berkata, program itu juga mampu meningkatkan kemahiran pengajaran guru matematik khususnya mereka yang mengajar pelajar yang mempunyai prestasi akademik yang lemah.

"Mereka yang menyertai program ini boleh menyampaikan ilmu dengan lebih berkesan bagi meningkatkan prestasi pelajar. Sa

ya gembira dengan usaha ECERDC dan UAE ini dalam usaha memperjuangkan pembangunan pendidikan demi masa depan golongan muda," katanya.

Sementara itu, Ketua Pegawai Eksekutif ECERDC, Datuk Seri Jebasingam Issace John berkata, program kaedah model bar yang dianjurkan itu adalah yang pertama seumpamanya di bawah Empower ECER.

Fakta nombor

7,568 PELAJAR

terbabit dalam program latihan akademik Empower ECER Mahkota

13 SEKOLAH

terbabit program Empower ECER Mahkota Pekan